

## Paerewa Paetae

<b>Aronga</b>	Pāngarau 2.15		
<b>Ingoa</b>	Te whakahaere rangahau pāngarau		
<b>Kaupae</b>	2	<b>Whiwhinga</b>	3
<b>Marau akoranga</b>	Te Marautanga o Aotearoa		
<b>Kokonga akoranga</b>	Pāngarau		
<b>Mana rēhita</b>	Kua rēhitatia	<b>Te rā i mana ai</b>	19 Whiringa-ā-rangi 2015
<b>Te rā e arotakengia ai</b>	31 Hakihea 2018	<b>Te rā i puta ai</b>	19 Whiringa-ā-rangi 2015

### Te Hononga ki te Marautanga

I ahu mai tēnei paerewa paetae i te Taumata 7 o *Te Marautanga o Aotearoa*, i whakaputaina e Te Pou Taki Kōrero i te tau 2008.

### Whāinga Paetae

*Te Whakamahinga o te Pāngarau*

*Ka mārama te ākonga, ka arohaehae, ka arotake hoki ia i te takenga mai o te mātauranga pāngarau me ngā tini whakamahinga o te pāngarau. Me kākahu anō ngā whāinga paetae ki ngā momo horopaki maha o te ao whānui.*

E hono ana ki te Papa Whakaako mō te Pāngarau e noho mai ana ki te pae tukutuku nei: <http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

### Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

**Paerewa Paetae**

<p><b>Paetae</b> Te whakahaere rangahau pāngarau.</p>	<p>Hei tohu i te paetae:</p> <ul style="list-style-type: none"> <li>• Ka tautohu i nga whāinga o te rangahau.</li> <li>• Ka whakamahere i te rangahau.</li> <li>• Ka kohikohi raraunga e whai take ana.</li> <li>• Ka whakaatu i ngā kitenga ki ngā whakaaturanga tika.</li> <li>• Ka tātari i ngā whakakitenga.</li> <li>• Ka tūhono i te kaupapa o te rangahau ki ngā huatau pāngarau, ngā whakaaro pāngarau rānei e hāngai ana.</li> <li>• Ka arotake i te tukanga rangahau, arā ngā mea e pai ake, ngā mea ngoikore o te tukanga rangahau i whakamahia.</li> </ul>
<p><b>Kaiaka</b> He kaiaka te whakahaere rangahau pāngarau.</p>	<p>Hei tohu i te kaiaka:</p> <ul style="list-style-type: none"> <li>• He hōhonu ake te rangahau. Nō reira, ka kitea ēnei: <ul style="list-style-type: none"> <li>– ka whakamahi tika i ngā momo whakaaturanga e hāngai ana ki te horopaki o te rangahau</li> <li>– ka whakaputa i te whakataunga whakamutunga e hāngai ana ki ngā whāinga o te rangahau</li> <li>– ka hōhonu te arotake i te tukanga rangahau me ngā whakakitenga o te rangahau.</li> </ul> </li> </ul>
<p><b>Kairangi</b> He kairangi te whakahaere rangahau pāngarau.</p>	<p>Hei tohu i te kairangi:</p> <ul style="list-style-type: none"> <li>• He tino whānui te rangahau. Nō reira, ka kitea ēnei: <ul style="list-style-type: none"> <li>– ka tūhono, ka arohaehae i ngā kōrero ka takea mai i ngā mātāpuna whānui</li> <li>– ka tino whakamārama i ngā whakakitenga me te honohono huatau pāngarau e whai pānga ana ki te rangahau</li> <li>– ka tino arotake i te tukanga rangahau me ōna wāhanga katoa, me te arohaehae anō i te tika me te pono o ngā whakakitenga</li> <li>– ka matapaki me pēhea te whakapai ake i te tukanga rangahau.</li> </ul> </li> </ul>

**Kōrero Āpiti**

E whai ake nei ko te whakamāramatanga o ngā kupu whaitake, kīanga rānei:

rangahau pāngarau	Ko te rangahau pāngarau tētahi rangahau e whai pānga ki te pāngarau. Me ārahi te kaiako tonu kia whakarite te ākonga i ngā whāinga o te rangahau. Ka mahi ko tōna kotahi, ka mahi ngātahi rānei ki te kohikohi raraunga.
kohikohi raraunga	Ko te whakamahi i ētahi o ngā tikanga e whai ake nei: <ul style="list-style-type: none"> <li>• te mātakitaki</li> <li>• te ine</li> <li>• te ui pātai</li> <li>• te whakatū rārangi pātai.</li> </ul>

Ngā whakaaturanga	<p>Me whakaatu te raraunga ki ētahi o ngā whakaahua e whai take:</p> <ul style="list-style-type: none"> <li>• te kauwhata</li> <li>• te tūtohi</li> <li>• te mahere</li> <li>• te ripanga rorohiko</li> <li>• ngā momo hoahoa.</li> </ul>
ngā mātāpuna	<p>Ko ngā wāhi e tīkina atu ai ngā kōrero e hāngai ana ki te kaupapa o te rangahau. Hei tauira:</p> <ul style="list-style-type: none"> <li>• ko tētahi tangata, rōpū tāngata rānei</li> <li>• ko ngā mātaitanga a te ākongā</li> <li>• ko ngā pae ipurangi e hāngai ana</li> <li>• ko ngā pukapuka, ngā tuhinga me ngā kōpae ataata e hāngai ana.</li> </ul>
te arotake i te tukanga rangahau	<p>Ko te āta tiroiro i te huarahi i whāia ai hei whakatutuki i te rangahau, ōna painga, ōna hapa, ōna piki me ōna heke.</p>

Kuputaka:  
hōhonu ake  
tino whānui

more in-depth  
comprehensive

## Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233